

## ডাইভার্সিটি ভিসা (ডিভি)-র সাক্ষাত্কার গ্রহণ বাতিল

ঢাকা, ৪ঠা সেপ্টেম্বর -- ঢাকাহু যুক্তরাষ্ট্র দুতাবাস অত্যন্ত দুঃখের সাথে জানাচ্ছে যে ২০০৭ সালের সেপ্টেম্বর মাসের জন্য নির্ধারিত সকল নতুন ডাইভার্সিটি ভিসার (ডিভি) সাক্ষাত্কার বাতিল করা হয়েছে।

যুক্তরাষ্ট্রের কংগ্রেস ডাইভার্সিটি ভিসার কোটা নির্ধারণ করে দেয়। ফলে ইতিমধ্যেই বরাদ্দকৃত সংখ্যার চেয়ে বেশি ভিসা ইস্যু করা সম্ভব নয়। দুঃখের সাথে জানাতে হচ্ছে যে ডিভি-২০০৭ কর্মসূচীর অধীনে বাংলাদেশী নাগরিকদের জন্য আর কোনো ভিসা বরাদ্দ করা যাচ্ছে না, তাই ডাইভার্সিটি ভিসার জন্য নতুন সাক্ষাত্কার এবারের মতো বাতিল করা হলো।

চলতি সেপ্টেম্বর মাসে যে সকল ডিভি ভিসা প্রার্থীর সাক্ষাত্কার অনুষ্ঠিত হওয়ার কথা ছিল, এই ঘোষণার ফলে তাদের অসুবিধার জন্য আমরা ক্ষমা প্রার্থনা করছি। বাংলাদেশী নাগরিকরা ভবিষ্যতেও ডাইভার্সিটি ভিসার আবেদন করার জন্য উপযুক্ত এবং আমরা তাদের আবেদনপত্র সাদরে গ্রহণ করব।

অনুগ্রহ করে লক্ষ্য করুন যে, কেবলমাত্র ডাইভার্সিটি ভিসার সাক্ষাত্কার গ্রহণই বাতিল করা হয়েছে। অন্যান্য ইমিগ্রেশন এবং নন-ইমিগ্রেশন সাক্ষাত্কারের সময়সূচী স্বাভাবিক নিয়মে প্রক্রিয়া করা হচ্ছে। এই পরিবর্তন শুধুমাত্র সেই সব ডিভি আবেদনকারীদের ক্ষেত্রেই প্রযোজ্য হবে যাদের সাক্ষাত্কার এখনো অনুষ্ঠিত হয়নি। আপনি যদি ইতিমধ্যেই ডিভির জন্য সাক্ষাত্কার দিয়ে থাকেন, তাহলে অনুগ্রহ করে যুক্তরাষ্ট্র দুতাবাসে কোনো প্রকার খোঁজখবর করবেন না। যেসব আবেদনকারীর কেইস এখনো প্রক্রিয়াধীন আছে, ডিভি-২০০৭ বর্ষ শেষ (সেপ্টেম্বর ৩০, ২০০৭) হওয়ার আগেই আমরা তাদের সাথে যোগাযোগ করব।

ভবিষ্যতে আপনাদের প্রচেষ্টায় সাফল্যের জন্য আমরা আপনাদের শুভ কামনা করছি।

=====

জিআর/ ২০০৭

**দ্রষ্টব্য:** এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে অগ্রহী হন, তবে ‘আমেরিকান সেন্টার’ প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮-৫৬৮-৮; ই-মেইল: [DhakaPA@state.gov](mailto:DhakaPA@state.gov) এবং Website: [dhaka.usembassy.gov](http://dhaka.usembassy.gov) এ) যোগাযোগ করুন।